

En äigeschtändigi ART-Fasnacht

# Allschwiler Revue Total

Frytig, 5. Hoornig 2021 – Äxtrablatt

Zämmeräit vo de Gässlichlyffer mit Unterschützig vo de Schwellemer Fasnächtler

## Was goot ab? De Fasnächtler am Puls gfüült



E Zäichnig vom Yysigä Brüggl Mitti 1930 oder so. Grosszügigerwyys zur Verfielig gschteilt. Mee do derzue uff dr Syte 16.

### Corona Fasnachts Tescht

bei Dr. med C. Orona Facharzt für Virologie

Sie haben Bedenken, dass ihre Larve, ihr Instrument oder ihr Kostüm den Virus haben könnte?  
Scheuen Sie sich nicht bei uns vorbei zu kommen!

**Dr. med C. Orona bietet kostenlose Covid-Tests für Fasnächtler an!**

**Mo-Mi 13-16.45 Uhr / Do-Sa 9.30-12 Uhr**

**Kommen Sie ungeniert vorbei!!!**

Praxis Dr. med C. Orona, Im Virus 7, 1919 Wuhan



## Prolog Blaggedde 2021

Motto: «Zämme heebe – zämme schtoo»

Das Virus, s isch us China importiert  
Het uns im Griff, ganz unscheniert  
Unsere Alltaag mien mir bös ischrängge  
Das git uns allne scho lang z dängge.

Masgepflicht heisst sapperlot  
Uffghoobe isch s Vermummigs-Verbot  
Unser Zämmeläbe isch ins Wangge choo  
Do drüber sin mir gar nit froo.

Gäischterspiil ooni Fän, ooni Gschrei  
Bim Schutte wie bim Iisbockey  
S Veräinsläbe muesch an Nagel hängge  
An Volggfeschter dörsch gar nit dängge.

Ä Meeter fuffzig Abstand halte  
Gilt für Jungi und au für Alt  
Heimoffice söll me betriibe  
Und nur in dr Woonig bliibe  
Die ganzi Wält schtoot uf em Chopf  
Do chunsch dr vor als arme Tropf.

Au d Fasnacht isch vo däm Schiggsaal troffe  
Das losst uns alli nur no hoffe,  
Dass mir d Fasnachtsdääg, sisch unser Beschträbe,  
Weenigschtens no virusfrei chönne überläbe  
D Händ wäsche, Masge draage  
Suscht goots dr gsunhätlich an Chraage.

Do säit ä Binggis zu sim Babbe:  
«Mir wänn ä coronafreis Gmäiniwappe  
Dr goldig Schlüssel und aus s Schwäärt  
Wärde desinfiziert, die sin uns das wäärt.»  
Und dr zwäit Blaggedewaggis, wo sich duet präsentiere,  
Söll die dissjööri Allschwiler Fasnacht symbolisiere.

S git käi Morgeschträich, käi Guggeschränze  
Käi Umzug, wo dä chasch mit Sujet glänze  
Käi Chinderfasnacht, s isch zum Hüüle  
Als hilflose Fasnächtler duesch di füüle.

D Blaggedde will zum Ussdrugg bringe  
Käini Fasnachtstöön dien in däm Joor erklinge  
Trotzdäm: «Zämme heebe – zämme schtoo», es blibt drbi  
Das söll s Motto vo dr Schwellemer Fasnacht 2021 si.

Und so dien mir zum Gedängge  
Alli Cliquefaane usehängge  
Au d Fasnachtsfigure an dä Riegelmuure  
Löön unsere Fasnachtsgäischt nit versuure  
Trotz Corona, joo es isch ä soo  
Söll d Fasnacht au im 2021 uferstoo.

d Chrutstorze,  
Wildviertel-Clique Allschwil

## Dr Obmaa säit

## E churzä Dangg vorewäg

Liebi Schwellemerinne und  
Schwellemer, Fasnächtler und  
Inne, gschetzi Offizielli

E bsunderi Situation zwingt ys  
drzue en ART Fasnacht z'mache,  
ebben e Schpezielli

S'isch, dass wüsse mir unterdesse  
guet, grad gar nüt wie allewyl  
Käi Schtrossen- und käi  
Bäizefasnacht, was blybbs ischs  
Fasnachtsgfüül

S'druggt ys alli die glychi  
Pandemie, s'isch nit luschtig  
möchti do sage

Toll wie mir zämmeschtoon und  
zämmeheebe so losst sichs lychter  
trage

Dangg de Gmäindröötinne und  
Gmäindrööt iire guete  
fasnachtlich kulturelle Gsinnigä  
Findet d'FasnachtART e Wäg  
zum Volgg trotz de schtränge  
Beschtimmigä

Die Zytig isch jetzt scho duss,  
en erschte Gnuss, jetzt häisst  
non e chly warte

Bis vom 11. bis am 17. vom  
Hoornig d'FasnachtART duet  
scharte

Dangg de Fasnächlerinne und  
Fasnächtler iire kreative  
Kreatione

Chönnen alli en ART Fasnacht  
gniesse, e Rundgang duet sich  
loone

Für alli die, wo nit uuse wänn,  
möge, chönne oder gar nit dörf  
Isch die Zytig gefüllt mit  
fasnachtlichem Witz und e bar  
Linggs zum go sörf  
D'Figure hängge wie gewoont im  
Dorf dr Wind, schpiilt fridlich  
mit de Fääne

Ych lauf durchs Dorf mitemene  
Fasnachtsgfüül, es drugge mir  
scho d'Drääne

Gniesset die FasnachtART in  
volle Züüg, s'git nüt verglychbars  
im Nordwestchä

Bhaltet d'Regle glych im Chopf,  
denn mit Abschtand fyrsch und  
gseeschs am Beschtä

Ych wünsch Öich allne vyl Verg-  
niege, an däre zwäiduisigundäi-  
nezwanzig FasnachtART

Platzier my Wunsch do  
hoffnigsvoll: «Mir sinn näggscht  
Joor wiider wie gewoont am  
Schart»

Ych wünsch Öich Gsunhät und  
Bedangg mii hätzlich fürs  
fridlichä zämme schtoo

Dient in- und extärn desinfizierä,  
damit mir gly wiider chönne äin  
zämme heebe, oder so

Adrian Butz,  
Obmaa Allschwiler Fasnacht

## Fasnachtsschimmig

## Machs au mit?

Hesch du d Terrasse, s Schau-  
fänschter oder dr Vorgarte  
Fasnächtlich gschmüggt, denn  
muesch nur no warte

Bis du am Schmutzige  
Donnschtig, das isch famos  
Spazifizozlesch an  
d FasnachtART uf dr Schtroos  
Denn chasch für ä paar  
Schtunde glügglich si  
D Frau Fasnacht erläbe und  
ä Schwellemer si  
Die wo mitmache, die dien is  
bsunders gfalle  
Danggschöön sage mir drum  
hätzlich alle  
Für d Unterstützig und  
au s Beschträbe  
D Allschwiler Fasnacht 2021  
z beläbe

d Chrutstorze,  
Wildviertel-Clique Allschwil



Gässlichlyffer

# Sujet 2021: Abgriiglet, Uffgriiglet



Dr Schampierre boort sich voller Schtolz  
 Am liebschte durch uuralts Äicheholz  
 Won är vergniegt am booren isch,  
 do wird's im schturm  
 Derzue muesch wüsse, dr Schampierre  
 isch e Riigelwurm  
 Är isch also voll verboort in  
 elsässäischer Äiche  
 Won iin sy Bloose druggt,  
 goot är go säichä  
 Bim usem Riigel schtyyge,  
 schtoggt iim s'Bluet  
 Är gseet, wie me iin samt synerä  
 Naarig transportiere duet  
 Dä Balggä, gfällt im Joor vom  
 Herr siibzäähundertzää  
 Bamelet ammene Säil und wird  
 immene Waggis übergää  
 Oh, das isch mir usegrutscht,  
 dr Schryber duet sich excüsierä  
 Elsässer oder Bewooner vo  
 Grand d'Est duet me sy Benamsierä  
 So rief dr Schampierre no in dr Luft:  
 «S'isch besiiglet»  
 Luuschtargg synere Holde:  
 «Unser Häjm wird abgriiglet»  
 Näj, nit wie dü mäinsch,  
 so wie bii de Schwellemer Ruechä  
 Dört veriiglä sy d'Schtroosse,  
 damit du dr Wäg muesch suechä

So Dyssi us de Vogese moolen  
 also mit dr Chryydä  
 Uff jede Balggän ä Nümmero,  
 bevor sy en uuseschnyydä  
 «So ebbes han ych no nie gsää», säit  
 d'Frau Riigelwurm  
 «D'Rüechä bäue nie zrugg, die verfyyre  
 däng an Plumbidurm»

«Was bassiert jetzt Männelä,  
 müess ych pagge, verliere mirs Dehäj?»  
 «Solang ses üff dä Charre byygä,  
 sag ych tollkien, Näj!  
 Mir calmierä, mir faare mit,  
 moll lüege was do bassiert»

So wird iibere Douanne Hagana  
 uff Allschwil disloziert  
 Mit dämm altelsässer Riigelhuus,  
 isch unkontrolliert  
 Au d'Familie Schampierre uff  
 Schwellhäim immigriert  
 «Jä Liebschti», säit dr Schampierre,  
 «lüeg emol diä Hyyser  
 Do chemme mir söi güet dervu,  
 däänä giengs ys myyser  
 Z'mitts ins Ecomüsee d'Allschwiller,  
 mäi fräy ych mii drüff  
 Mit e winni Gligg, riigle die am Änd gnöi  
 glych wiider üff  
 Dangg däne penible schwyzer Ruechä  
 Muesch am Änd nit emol nyt ge süächä  
 Dr Schloofplatz, d'Schtuubä, s' Cabinet,  
 alls, wies müesst sy  
 Do schteets üff dyrem Grund,  
 im Alsass giengs in d'Eschetry  
 Ob die Dilldappe do, diä  
 franzeeschä Hyroglyphä  
 Au richtig chennä dytä, mecht ych  
 schuu bezwyyflä»  
 Dr Schampierre duet diä  
 schwyzer Mentalität glyy verschoo  
 Die Riiglä nit sälber uff,  
 die löön für das d'Elsässer lo cho  
 So hänn alli öbbis vo dämm Schiebe,  
 in de Vogese gits Platz  
 S'Museumsdorf Allschwil waggst  
 eso um e wytere Schatz  
 D'Elsässer chönnen ooni Permis  
 ungstrooft s'Huus verloo  
 Und zem Traväilliere wie wenn nyt wär  
 iiber d'Gränze cho

Alls Schwyzer hesch im Frielig,  
 wägem petit Corona  
 Käi Zuegang zum Geant  
 Casino,  
 Freund oder Liddel ghaa  
 Dr Schwellemer schpaart  
 Gäld,  
 isch butzt und gschtriiglet  
 Dorfbildkommision luegt ewäg,  
 denn Hauptsach  
 es isch griiglet

An däre Schtell  
 zum Schluss  
 wie alli Joor:  
 S'schtöön ys jetzt die  
 schönschte  
 Dägg bevor  
 S'isch nit glych, aber doch  
 en ART Fasnacht  
 Es hett Objägg, e Zytig,  
 es isch sälber gmacht  
 Mir hänn e schtiilli,  
 fyyni Fasnacht, das goot in Oornig  
 Sogar no lenger ;-),  
 vom 11. bis zum 17. vom Hoornig



## Allschwiler Revue Total

### Impräsum

Die Zytig dörfe mir im Wucheblettl erschyne loh  
 Denn s'AWB duet au drhinter stoh  
 D'Gässlichlyffer hänn die Revue Totale iniziert  
 Die schpitz Fäden aber hett d'Frau Fasnacht gfiert  
 Es isch e fasnächtlich Satire mit ländlichem Biss  
 S'druggt uff e Närv vo dr Zyt, s'isch käi Veriss  
 S'isch alles e chly rücher, de bisch uffem Land  
 Am Umzuug wärf mir au no Schpreuer ummenand  
 Nit alles wo de liisich isch als woor z'verschto  
 Das hett schon en amerikanische Presidänt usegloo  
 Bisch in dr Schusslinie? Denn ischs e prima Referänz

Füül dy geert, du göörsch zur Chlöpferprominanz  
 Wenn d'öbbis z'bechlage hesch denn wänd di dermit  
 An d'Frau Fasnacht, d'Adrässe, ou die kenne mir nit  
 Besser de duesch zwäi drey Moll läär schlugge  
 Schrybsch dy Aaliige uff e papierigi Gugge  
 Bloosich die häissi Luft vo unde dry  
 So entschwäbdt dy Fruscht, chasch sicher sy  
 So gsee wünsche mir dir, chumm guet unter Bschuss  
 E vergnieglichi Leggtüre, vom Aafang bis zum Schluss  
 D'Pano shtammt vom Pat&Werni Löffel  
 und s'Layout vo dr Bernadette Schoeffel

Mischtchäfer

# Dr Schosy vom yysigä Brüggli

E'Gschicht ussem alten Allschwil, uffgschnappt und verzelt vom Mischthäfer.

Es isch irgend nöime in dä nünzää-hundertzääner Joore gsii, wo dr Roorfierer Schosy vom yysigä Brüggli uff d'Wält cho isch. Är isch bim Rösslibrand in dr Fasnachtswuuche 1965 als erfaarene Roorfierer bi dr Allschwiler Fүүweer z'vorderscht derby gsii. Sälle Grossbrand, so wird gmungglet, wo dr Ussschlag gä hett, dass die äinti Glogge vo dr Dorfchirchä verschtimmt isch. Me verzelt, dass sy sälli Nacht z'warm griegt hett. Aber dr Rääie noochä.

In jungä Joore, nachem vierzä-achtzä Chrieg, hett dr Schosy örtlich bedingt mee dr Wäg zue de Nochbuuren ääne an dr Gränze unter d'Fiess gnoo. In Nöiwiller isch dr Schwellemer grad so dehäm gsii, wie vornen im Dorf bim Schlüssel oder Rössli. Dozmol isch no käine vo de Waagematyse für dä Gourmettämpel zueschtändig gsii. Au im Schlüssel im wilde Viertel hetts no Gaschtronmie gä und me hett dr Wäg no z'Fuess zruggelegt. Nur d'Herrä hänn sich en Auto oder Gschpann mit Rösser chönne läische. Do hett dr Schosy, wo bim yysigä Brüggli imenen äifache äi-



gmämmelet hett. Es git aber au Grücht, dass es wägenem Marie-Schännlä, eme nätte Mäitli, wo ab und zue bim Starck im Service usgholfä hett, me däänen als im Dorf aazträffe gsii isch. So hett är als über die grieni Gränzä e Pfluten und non e Fläschen über d'Gass häimträit. Die Fläsche vom beschte Schönebiechlär Rääbesaft hett im s'Marie-Schännlä denn wenn är churz vor Mitternacht nur schwer d'Händ vom Glas und d'Auge vo iire hett chönne löse, zuegschtegg. Sy hänn sich guet verschtandä die zwäi und dr Schosy hetts äifach nit fertig brocht im Marie-Schännlä syni Gfüül für iins chöne byychtä. Au wenn d'nöiwiller Wäschwyber am Dorfbrunnen als scho d'Hochzytglogge vo däne zwäi hänn ghöre lütte.

churz vor em Exame zum Advikat gschtande. So hett är sich ab und aa häimlich dr Waage vom Babben usgleent und isch dermit durchs Elsass gfaare zum d'Kultur und vor allem, d'Mäitli kenne z'leerä. Won är s'Marie-Schännle sällen Obe zum erschte Moll gsee hett, isches um iin gschee. Är isch öfter cho und au



s'Marie-Schännle hett iiri Uffmerksamkäit vom Roorfierer Schosy us Allschwil zum Doggtersoon us Pfirt verschoobe. Aafangs Summer isch sy nümmi im Scharck aazträffe gsii. Dr Schosy hetts nit usghalte, nümmi mittemä härzige Lache und em Scharck us de schönen Auge vom Marie-Schännlä bedient z'wärde.


Dr griesgrämigi, alti Scharckwirt hett im dr Fuusel lieblos uff

Disch gschtellt, so dass immer e Schlugg drnäbe gangen isch. Es isch nümmi s'glychä Dringge gsii. Dr Schosy hett gmergt, dass es nit dr Wyy isch, won iin äigentlich ins Elsass zooge hett, sondern dass s'Marie-schännlä, wo jetzt als Frau vom Notari in Pfirt lääbt, sy woori Sucht gsii isch.

Nachem Rösslibrand isch nit nur s'Huus bim yysigä Brüggli verschwunden gsii, au dr Schosy, wo niemer gwüst hett zu wellere schwellemer Dynaschtie är ghöört hett, isch nach sällere Nacht äifach nümmi umme gsii. Dr schwarzi Durm isch dr nöien Oberwilerschtrooss und s'yysigä Brüggli im Schtaudamm gwiichä. Aber all die Joorä noohär isch am Schmutzige Donnstchtig bim Scharck in Nöiwiller e Gschalt erschiene, wo wartend, eläi mit emene Glas Rooten am Disch gässen isch. Die

Altyygsässenene vom Dorf verzellä, es syg dr Roorfierer Josy us Allschwil gsii.


Ob dä Dyssi au im Joor 2021 am Schmutzige Donnstchtig im Scharck erschynt, isch ungwüss. Es git Stimmen im Dorf, wo sage, dass mit em Nochestimme z'Holland vo dr Gloggen uss dr alte Dorfchirchä, dä Bann brochä und die Seel erlost isch.



zimmer Riigelhuus us schwellemer Äichen und Lätten us dr Grube ghuust hett, nit chönne mithebä. Me säit är syg en Uurallschwiler gsii, ob e Butz, wo in dr Nööchi aasäsig sinn, oder Vogt, vo näbedra oder am Änd öbbe bäides, isch nit rächt überliiferet. D'Gränzä sinn synnerzyt anderscht gsicheret gsii und die grieni Gränzä isch sälemols wie hütt dr bescht Wäg gsii, um öbbis vom äinte Land ins anderä z'schmugglä.

Durch die geographischi Nööchi zue de Nöiwiller isches also nit verwunderlich, dass dr Schosy meer oder weniger in Nöiwiller

D'Legändä säit, dass dr Schosy in de dryssger Joore im Frielig vo äim Daag uff dr ander lieber ins Dorf cho isch und näbenem Schlüssel und Rössli, wo am Wäg gläige sinn, au in dr Wyyschtube oder im schwarze Durm aazträffe gsii isch. Wenn är als e bizzeli glaade gha hett, isch är reedseelig und weemietig worde. So isch überliiferet, dass amene schmutzige Donnstchtig z'Obe dr Schampierre uss Pfirt mit em Waage, e Citroen Rosalie, in Nöiwiller yygfaaren isch. Als Soon vom Maire vo Pfirt, sällen isch au no dr Doggter vo dr Region gsii, hett är in Cholmer gschtudiert und isch



68er-Chepf

## Liebi Frau Fasnacht,

mir hän di sälle Mittwoch im Februar 2020 beärdigt - dim Läbe quasi e Änd gsetzt. Jä verbrennt hämer di, bis nur no e klei Hüffeli Äsche vo dr uf em Dorfplatz gläge isch. Wie jedes Joor isch s eint oder ander Tränli d Bagge ab gwanderet. Arm in Arm hämer freudig und wehmütig zugliich, nomol an die vergangene Dag und Stunde dänkt - an die schönschte Wäge, die kreativschte Sujets, schrillschte Tön und luschtigschte Gspröch. E wunderbare Momänt. Will dini Beärdigung, liebi Frau Fasnacht, isch ame viel mehr als nur e Änd. Sie isch vor allem au e Afang. Dr Afang vomne Joor voller Vorfreud. Uf öbbis hämer uns nämlich e Läbe lang no immer chöne verloh: Die nägschti Fasnacht kunnt. Au sälle Mittwoch im Februar 2020 hämer do kei Zwiifel gha.

Jä guet, wie seit me so schön, nochär isch me immer schlauer. Aber wär hätti sich an sällem Dag könne usmoole, was mr scho kurz drufabe alles wärde erläbe? Lock-down, Maskepflicht, Quarantäne

und leider au e mängi Beärdigung. Wie uf dr ganze Wält sin au in Schwellheim Mensche gange. Und nei, anderscht als du, liebi Frau Fasnacht, chöme sie nie me zrug. Drum wänn mir, wo do die schöni Zytig dörfe fülle, sicher nit klage. Viel mehr wämer dangge sage. Dangge, dass d Fasnacht uf ihri Art darf wiiterläbe.

Jetzt verwandle mr unsers schöne Dorf zu dine Ehre halt in e grossi Kunschtusstellig. So wämer dr zeige, wie fescht mr di vermisse – mit ganz viel Liebi, Kreativität und Doppellättli. Weisch, öbbis vom schönschte chöne mr so ebbe einewäg erläbe. Nämlich zäme Samschtig für Samschtig öbbis plane und kreiire. Mir wän jetzt do nit z viel verrote, aber unser Wärk chönt de Lüt glich no so chli öbbis wie e Fasnachts-Feeling bringe. Mir hoffe, du hättisch e Freud an uns. Spöter denn, in färner Zuekunft, verzelle mr unserer Kinder und Änkel wie mr im Joor 2021 us dr Not e einzigartigs Erläbnis gmacht hän. E schöne Gedanke, nit?



Aber gäll, liebi Frau Fasnacht, nägscht Joor bisch denn wieder hätzlich willkomme. Und denn füire mr dii und das Fescht so usglasse und wild wie no nie. Vom Schmutzige Donnstchtig bis zur Beärdigung gniesse mr jede Momänt, jedes freudig strahlende Kindergesicht, jede falsche Ton, jedi Minute

in dr Baiz, jedi Begegnig und jede dumme Spruch. Läg wird das schön. Wobii, das mit dr Beärdigung lömer denn vielleicht lieber grad sii. Nit dass uns wieder losch warte. Liebi Frau Fasnacht, mir vermisse di.

Voller Vorfreud uf e baldigs Wiederseh, dini 68er-Chepf



**20**  
Sekundä

# Die anderi Fasnachtszytig für Allschwil

**Vom Morgesträich bis zur Beärdigung  
in 20 Sekundä oder vom Fasnachtsfüür bis  
zum Bummelsunntig innere 1/2 Minute.**

**Hopplä, jetzt abonniere – nie griege.**

**AKTION:** Binggis-Waggis und alti Tante bechömmen 20% Rabatt!



Chruutagger Clique – Allschwil 1969

c  
o  
n  
a  
Allschwiler «Art» Fasnacht 2021



S' Härz duet bluete  
Mir chönnes nid verstoh  
D'Frau Fasnacht duet das Johr  
Nid uferstoh



Kei Wagebau, kei Larve mache  
Kei zämmecho, kei zämme lache  
Kei Morgestraich, kei Schnitzelbang  
Kei Znüni ässe uf em Hobelbank  
Kei Umzug und au kei Intrigiere  
Kei Fasnachtsfüür, kei Improvisiere  
Kei Orange und kei Mimose  
Kei Drummle und kei Gugge lose  
Kei Mählsuppe und kei Ziebelewaihe  
Kei Latärne und kei Gostdym näie  
Das Alles fählt und hett über Nacht  
Dä Virus für uns zunichte gmacht

E Fasnacht's «ART» das isch dr Hit  
Söll Muet mache in däre schwere Zyt  
Drum stelle mir he nuntefahne  
E Kunstwärk do im Dorfkärn ane



Mit Larve, Dach- und Doppellatte  
Ambalage und Schilfgrasmatte  
Pinsel, Farb und Liem zum chläbe  
Zeige mir euch s'Fasnachtsläbe

Dr Bierbank zeigt im Fall  
Symbolisch halt dr Cherusball  
Wenn me witerluegt denn seht me au  
S Wärczüg für e Wagebau  
E Cherze stoht, das isch kei Seich  
Stellvertäent für e Morgestreich  
Und d'Künschtlerbilder zeige gottseidang  
Als Ersatz e Schnitzelbang



So gseht me do in voller Pracht  
Was d'Fasnacht sunsch im Grosse macht  
Jetzt freue mir uns, jo das isch wo  
Uf e schöni und gsundi Fasnacht im nögschte Johr  
Und sicher wird me au wider gseh  
E Fasnachtswege vo dr CeAaCe



GUGGEMUSIK  
COSANOSTRA RUGGER



ALLSCHWIL

## Gmeinsam einsam oder Fasnacht vo dehei aber nid elei

Es isch e völlig verruckti Situation  
die einte begegne ihre mit Angst,  
die andere mit Hohn  
oder wie mirs versueche:  
and Bestimmige halte und bitz flueche!

Drum hän mir ghofft, dass es uns wird glinge  
bitz Fasnachtssound für euch ahne z bringe.

Damit uns d Fasnachtsdepression  
nid duet erschlo  
hän mir uns alli zämmä gno.

Es git kei Fasnacht in Schwellheim –  
das isch jetz halt eso  
das macht uns drurig,  
mir dörfe nüme zämmä cho.  
Sigs wie früener zum Probe oder zum Feste  
gän mir au mit iigschränkte Möglicheite  
nume s Beste.



Mit Maske hämmer gspilt dehei  
jede für sich und ganz elei.....  
Zämmägsetzt und fast live chasch uns lose  
Fasnachtsmusig für euch wo mir dien blose.  
Unseri Kunst wird im Wägmattepark stoh  
chum verbi und unterstütz uns eso.

dini Cosanosotra-Rugger



Inseraat

## Politpraktikum für mehr Kontinuität

AK. Die Gemeinde Schönebuch hat letztes Jahr ein neues Angebot für politische Qualitätssicherung geschaffen. In enger Zusammenarbeit mit der Bevölkerung bietet der Gemeinderat diverse Politpraktikas an.

Unser schweizerisches Politsystem erlaubt es, alle vier Jahre die politischen Vertreter\*innen neu zu wählen. Dies führt oft zu drastischen Veränderungen. Nun hat die innovative Gemeinde Schönenbuch dies erkannt und reagiert. Ab letztem Herbst werden darum sogenannte Politpraktikas angeboten, wo in einem nicht definierten Zeitfenster die Möglichkeit besteht sich aktiv im Gemeinderat einzubringen. Bereits haben mehrere Personen das Angebot genutzt. Das Angebot wurde vorerst nur für Schönenbüchler\*innen angeboten. Es ist jedoch vorgesehen, dass auch einzelne Oberbaselbieter Gemeinden am Projekt teilnehmen können bzw. dies direkt vor Ort einführen. Der Bedarf ist definitiv vorhanden, wie dies aus repräsentativen Abstimmungen in der Bevölkerung hervorgeht. Bleibt zu hoffen, dass das Potenzial dieses innovativen Projekts erkannt wird und einen nachhaltigen Effekt für die zukünftigen Herausforderungen im politischen Alltag erzielt.

# ROBI-RUNZLE



Wenn de scho kai Larve kasch aaziehe das Joor, denn kasch wenigschdens e gleini Dekor-Larve mit dr Robi-Runzle baschdle. Die kasch an Düüre oder d'Lampe hängge und so e bizeli Fasnacht in d'Stube hoole – und wenn si dr vor d'Schnurre hängsch, kasch si sogar no als Masge bruche.



So, jetzt wünschsi viil Vergnüege bim Baschdle.

Wenn de kei Lehm, Bascht oder Kleischtr dehei hesch, denn kasch di im Freyzythuus mälde. Mir hälfe gärn us.

## Was bruchsch drzue:

- E Bolle Lehm öbbe so gross wiene grossi Orangsche und e alts Kuchimässer zum Modelliere
- Zytige, am beschde s'AWB den kasch es wenigschdens für öbbis bruche
- Fischkleischtr und baar Tropfe Wyssliim
- Glarsichtfolie
- Farbe und Binsel, e bizeli Bascht und e Fätze Schtoff
- E Schtüggli Kartoon und e Scheer
- Heissliim, wenn de hesch, suscht goht au Kläber



Dr Lehm guet durre knätte und den afo modelliere. Ob Waggis oder Altı Tante, lueg, dass de grosszügegi Forme modelliersch und nid näggele duesch.



Hesch di Kopf fertig modelliert, denn duesch ihn mit em nasse Finger glattstrüiche. Jetzt deggsch mit dr Glarsichtfolie alles ab und luegsch, dass d'Folie guet an d'Lehmform riibe und drugge duesch.



Jetzt kasch mit Kaschiere afo. Zerschd machsch e Bäbbeli mit Fischkleischter, Wasser und e me Schprüzli Wyssliim. Am Beschde nimmsch e alte Schwingbäse. Lueg dass de nid e z'diggi Suppe bekunsch.

Us dr Zytig machsch kaffirahm-deggeli-grossi Fözzeli.

D’Fözzeli dungsch in Kleischer, schtriichsch zwüsche zwei Finger dr Kleischer fiin ab und legsch eins nach em andere uf die mit dr Folie abdeggti Lehmform. Drbi luegsch dass sich die Fözzeli immer e biz überlabbe.


Nach ebbe vier Schichte kasch ufhöre und die kaschierti Form für 24 Schtund troggne loh.



Wenn d’Zytigsschicht trogge isch, kasch dr no weichi Lehm und Glarsichtfolie usse knünble. Denn kasch dr Rand mit dr Scheer ringsume abschnüide.



Am Beschde duesch die kaschierti Larve wyss grundiere bevor de denn afosch moole.



Mir sammle Föteli vo de Köpf bis am 12. Februar

Wenn de Luscht hesch kasch uns bis am 12. Februar e Foti vo dim Kunschtwärgschige [freizeithaus@allschwil.bl.ch](mailto:freizeithaus@allschwil.bl.ch).

Mir mache us alle igschigge Köpf e Helge und hänge dä wärend dr Fasnacht im Dorf uf.

Am Schluss kasch mit Bascht dim Dyssi no e Frise verpasse oder us Kartoon e Waggisgraage und us Sctoffe e Grawadde usschnüide, alles duesch denn mit Heissliim an d’Larve montiere.

E gueti Zyt und dängg dra die nägschdi Fasnacht kunt sicher ...

D’Robi-Runzle

Kinder jugend Familien  
**Freizeithaus**  
Allschwil

Impressioone Kinderfasnacht



**Hilda Jauslin**

**Rondo Allegretto – S isch jo bald Faasnacht**

Am Allschwiler Weiher isch ai Läbtig: Aenten und Huubedaucher dummele sich im Wasser. Es spritzt und schnäaderet, s wird daucht und Jäaglis gmacht. D Mööwe gyygen und schnabbe den Aente gyyrig s Fuetter ewägg.

Wyter hinden im Wald renne zwai Jogger in veyelette und gäggelgäale Strumpfhoose ammer verbyy. Si luege stuur uff e Wääg und schnuufen und kyychen im Taggt wien en alti Dampfloggi. Vo wytem gheer i jetzt e vyylstimmig Fleetle.

Hejoo, s isch jo bald Faasnacht! E glaini Piccologrubbe spielt e wunderscheene dreistimmige Maarsch, bim Laufe wiege si sich gmietlig hiin und häär. Noo de vyyle Veränderige und Verzierige vo der Melodyy kunnt wiider der Aafang: «Alle Vögel sind schon da».

Sie lauffe wyter und d Muusig wird wiider lyysliger. Aber jetzt gheer i derfiir in de Zwyyg e baar Maise wo no iiri Variatione vo däm

Lied dryy gänn und au yych pfyff uff em Haimwääg zfriede voor mi aane.



**Lääserbrief**

**Lärbelästigung im Dorfkern**

Also das ist skandalös!! Seitdem die Glocken im Turm der Dorfkirche neu renoviert sind, kann ich kaum mehr schlafen. Dieser Saulärm! Und dann überall dieser Gestank nach frischer Farbe. Ekelhaft! Früher hatten wir Kirchenmäuse unsere Ruhe. Ich werde zusammen mit Ueli Eschtrich-Keller Unterschriften sammeln gegen diese Missstände. Das Dorfkernreglement BETA von 1291 n. Chr. ist nicht systemrelevant! Wir fordern, dass die Dorfkirche sofort abgerissen wird!!

*Die letschti armi Chirchemuus vo Allschwil*



Inseraat

**Corona bedingt von Sammler gesucht**

alte Spielzeugflugzeuge und Staubsaugermotoren (engl. noisemaker). Zahle Höchstprieise. Seriöse Offerten direkt an U.K. Rieschweg 11, Allschwil

**Pino-trois**

**«Uns blibt jo no dr Wyy, chumm, schängg yy»**

Im 2021, jä es isch ä Qual, trampä d'Pinot-trois nid in d'Pedaal. S'gliäbt Fasnachts Velo blibt im Chäller stoh, denn d'Fasnacht isch abgseid, hän mir vernoh. Drum wartä mir mit grosser Freud und Gluät, dass d' Fasnacht 22 bald choo duät.

In dr Zwüschäyzt, blibt uns jo no dr Wyy, drum chumm schängg no einä yy und chumm bi unsäram Kunstwärk vrby.

E schöni FasnachtsART und bis zur Fasnacht 2022.

*D'Pinot-trois*

Pinot-trois



Schwellheim 2019



**Privilegierti Schwellemer**

**E Bligg zrugg – 10 Joor die Privilegierte**

Im Allschwiler Wucheblatt kame sich nit nur über Neus informiere sondern au lese, wie dr Max Werdenberg über Schwellheim duet dissertiere.

Dr neuschi Coup vom Kulturverein Allschwil-Schönenbuch: Kum mir mache doch us dene Kolumne es Buech.

Und so gits sit em November neu Allschwiler Schrifte, wo über fascht Vergässes us Allschwil dien brichte.

D'Sammlig wirft e Bligg in d'Allschwiler Vergangeheit und vielleicht erkennsch dini Grosseltere mit e bitzeli Ufmerksamkeit.

Mir Privilegierte dien jetzt au scho sit zäh Joor bestoha und möchte dr Nochwält no öppis drvo hinterloh.

Drum hän mir das Joor dänkt mir mache es Buech und für d'FasnachtsART ideal, wegem Individual-Bsuech.

Und so stoht unser Clique-Buech – e bitz überdimensioniert uf dr Dorfkirchestäge – de Ort isch ebbe «Privilegiert»!

Kömmet verbi und werfet e Bligg in unser Buech «E Bligg zrugg» diend sorgfältig d'Site blättere – hau rugg ...



Und so schlönn mir das Buech also uf und uf dr erste Site stoht druf: E neus Kapitel wird in Allschwil gschriebe, d'Red isch vonere Krone und irgendwelche Privilegierte...



## Suurchrutstamper 2005

## ... mir mache wiider mit!



Im Joor 2005 hänn mir s  
eerscht Mool Fasnacht  
gmacht,  
zämme e Waage baut und  
derby vyyl glacht.  
S isch dr Afang gsii vo de  
Suurchrutstamper,  
e Clique voller junge Buebe  
und woore Gramperfer.  
Am Afang hänn no d Eltere  
gholfe bim Waage baue,  
doch bald hänn mr unserne  
Baukünscht sälber könne  
traue.  
Über d Joore sin mir als Cli-  
que immer grösser worde,

hütt sin mr scho fascht e  
jungu Männerhorde.  
D Zyt wo de in d Fasnacht  
duesch investiere,  
zaalt sich schnäll wiider  
uss, spöötischens bim drey  
Daag fyyre.  
S macht ys grossi Freud,  
Joor für Joor dr Umzug z  
gniesse,  
de Daame Rösli verteile  
und Orange vom Waage z  
schiesse.  
Die traditionelli Schwelle-  
mer Fasnacht schrybbt so  
vyyli Gschichte

und so vyyli Ydrügg wo mr  
drüüber könne brichte.  
Jetzt gits e Joor wo mr lei-  
der mien pausiere,  
de wirsch ys leider nit gsee  
ins Dorf ymarschiere.  
Mr freuen ys aber jetzt scho  
druf und könnes kuum er-  
warte,  
bis mr ändlig wiider unsere  
Traktor dörfe starte.  
Wenns z Allschwil wiider  
häisst; s isch Fasnachtszyt,  
kasch sicher sy, mir Suurch-  
rutstamper mache au wiider  
mit!



## Dorfplatzfäger

2020, gsi ischs numme Drägg,  
drum wüschts dr Dorfplatzfäger jetzt ewägg

Sone Dräck wies 2020 hämmr  
do scho lang nümme gha.  
Das weiss e jedi Frau und jede Maa.  
Abr was höri do? Es däscht und kracht,  
S isch dr alt Abfallchare vo de Dorfplatzfäger,  
Jetzt wird suber gmacht!

Dä ganzi Seich wo uns immerno frustriert  
Wird mit Schwung ind Tonne transportiert.  
Au überall dehei wird useputzt und ussortiert,  
s'isch scho fast e Stress.  
Plötzlich will jede ufd SRS.

Zyt hämmr gnueg, und die wird au gno,  
Ind Beize könne mr eh nid goh.  
Also apacke jetzt, dä alti Seich muss use,  
Fast e kli nostalgisch findi no e alts Heftli mit  
wunderschöne Buuse.

Und hinter dr Türe ufem Estrich  
luegi denn genauer hi  
«Ouu was kunnt do Grusigs füre?»  
Ich glaub dasch mol e Däfi gsi.

Jetzt no suge und kli lüfte wägem Gstank  
Und scho isch alles blitz und blank.  
Jetzt kontrolliersch no s Zimmer  
und s'luegt di dörte Larve ah  
Und plötzlich bisch ganz noch an de Träne dra.

Ihr wüssed wasi mein und wieso ich mi beklag,  
Aber stecked au ihr dä Frust und  
d'Sorge in e grosse Sagg!  
Mir Fasnächtler hebe zämme  
Au wemmr grad kei Glas  
ind Höchi stämme.

Stell dä Frustsagg use, s'sinn nur paar Schritt!  
D'Dorfplatzfäger kömme bi dir dure und  
nämme dä Dräcksack mit.  
Gönned euch e Pause und machet euch fit!  
Die nögschti Fasnacht isch nämlig nümme wyt.

Fasnachtsvideo Dorfplatzfäger




Youtube: Dorfplatzfäger Allschwil  
<https://www.youtube.com/channel/UC3E-xdIFaAnsAf3i1CZ5CjA>

## s' Spaarhäfeli

## Fasnacht 21

## [ABGESAGT]



D' Fasnacht 2020  
hämmer no mitbiko,  
sit denn, isch alles anders do.  
Deheime schaffe, ässe, pfluuse,  
jo nit mit z 'viel Lüttli use.  
So sitze mir in der Stube, läse s'AWB,  
doch au das, könne mer bald nümme gseh.  
In fett Grossbuechstabe, quer über' s Druckte,  
stoht immer s' gliche Wort, s'Veruggte:

[ABGESAGT]

D'Eierläsete und d'Ostere au,  
alli Träffe, au die vo d'r Frau.

[ABGESAGT]

D'r Bring- und Holtag, sowie der Märt,  
au s' alljöhri MVA Konzärt.

[ABGESAGT]

Alli GV's, ohni ein z'Schlugge,  
an dr Grufti, di alti Liebi z'drugge.

[ABGESAGT]

D'Kläus gsesch das Mol gar nit renne,  
und d'Ängeli könne friener go penne.

[ABGESAGT]

I glaub, d'r Stämpelbrueder vo friener do,  
hänn si jetzt in d' Gmeini gnoh.  
Dört seit är fröhlich, ohni Muff:  
'Haue mer halt e Stämpel druff!  
Und denn – zum 2. Mol, o jeh,  
kasch dini Fründ im Jägi nümme gseh.  
Au d' Fasnacht, me ka si kum erwarte,  
dörf nit wie gwohnt im Dorf jetzt Starte.  
Kei Fүүr, kei Umzug, keini Gugge,  
au d' Bänkler griegie nütt me z'Schlugge.

[ABGESAGT]

Kinderumzug, frohi Rundi,  
im Alterszentrum, s'Kunterbunti.

[ABGESAGT]


Der Cherus – oder Masgeball,  
mit Maske, klar, uff jede Fall!

[ABGESAGT]

D'r Stämpelbrueder stämpet froh,  
mir hoffe, är wird dä Job bald verloh.  
Hülend luege mir däm Gschehe zue  
und hoffe, s'git bald wieder Rueh.  
Dass mir wieder könne zämme hogge,  
gemeinsam ein Näh, uf dä alti Socke.



# Aalschwiler Fasnacht



29 fasnächtliche Installationä  
an 19 Standort

# FASNACHT VOR ORT

# 11. → 17. 2.

**POMPIER WAGGIS**  
Fasnachtsfigurä

→ Rund ume Dorfplatz

**01 GÄSSLISCHLYFFER**  
«Abgriiglet Uffgriiglet»

→ Schlüsselgässli 6

**02 RUE DU BOEUF-RUÄCHE**  
«Lachä isch gsund»

→ Oberi Kirchgass  
→ Restaurant Jägerstube

**03 SCHÄRBE CLIQUE**  
«Als Wär Fasnacht»

→ Oberi Kirchgass

**04 LAOLA RUECHE**  
«WC-Papier»

→ Vorplatz Dorfkirche

**05 DIE PRIVILEGIERTE SCHWELLEMER**  
«e Bligg zrugg»

→ Stäge zur Dorfkirche

**06 HERREGÄSSLER**  
«Mir balkoniere!»

→ Schönebuechstrooss 6

**07 WVC SCHPIIL**  
«...fertig lustig...»

→ Alti Dorfschmitti

**08 SPRYSSE BANK**  
«e Schnitzelbangg»

→ Restaurant Rössli

**09 DIE NAMÄLOSÄ**  
«20 Joor «die Namälosä»»

→ Parkplatz Bürgergemeini

**10 68er CHEFF**  
«L'automate de carnaval»

→ Vorplatz Metzgerei Birbaum

**11 SPAARHÄFELI**  
→ Oberwilerstrooss 1

**12 QUELLEMER**  
«s' Storchenäscht isch nümmе do, dr Plumpiturm brennt liechterloh!»

→ Parkplatz Restaurant Mühli

**13 DORFRUNZLÄ**  
«s' isch kompliziert»

→ Restaurant Jägerstube  
→ Dorfplatz 10

**14 DORFPLATZFÄGER**  
«2020, gsi ischs numme Drägg, drum wüschts dr Dorfplatzfäger jetzt ewägg»

→ Baslerstrooss 29

**15 CHRUUTAGGER-CLIQUE**  
«Allschwiler ART Fasnacht 2021»

→ Baslerstrooss 31 & 33

**16 SUURCHRUTSTAMPFER**  
«Lieber ai mool ooni, derfür näggscht Joor mit em Omi»

→ Gmeinipark Wägmattä

**17 FUNKESCHLIFER**  
«Dr Ufstand vom Häuptling Moorat!»

→ Gmeinipark Wägmattä

**18 NIMMERSATTE**  
«Mir löön uns nid hängge»

→ Gmeinipark Wägmattä

**19 COSANOSTRA-RUGGER**  
→ Gmeinipark Wägmattä

**20 LINDENBAUM PIRATE**  
→ Gmeinipark Wägmattä

**21 GWÄGGIBINGGIS**  
«#AltiTante #Waagis #mitenandgo #zämestoo #FasnachtsArt #Erinnerigsfoti»

→ Gmeinipark Wägmattä

**22 SCHWELLEMER PÖNGGIS**  
«Adiöö Paradiis, Bachgrabe rescht in piis»

→ Kirche St. Peter und Paul

**23 PINOT-TROIS**  
«Uns bliib jo no dr Wyy, chumm schängg yy»

→ Kirche St. Peter und Paul

**24 CENTRAL CLIQUE ALLSCHWIL**  
→ Kirche St. Peter und Paul

**25 DÜPFLISCHYSSE-CLIQUE**  
→ Christuskirche

**26 MÜHLIBACH STENZER**  
«Mir dreie am Rad»

→ Kirche St. Theresia

**27 LINDENPLATZ WAGGIS**  
«Kei neue Lindeplatz!»

→ Lindeplatz

**28 WVC**  
«Mir warte uf d'Rägeboge-Schlussabrächtnig»

→ Lindeplatz

**IM BRÜEL WAGGIS**

→ Wos Platz het

GRABÄRING



TRAMHALTSTELL  
CHIRCHÄ



TRAMHALTSTELL  
LINDEPLATZ

BASELMATTWÄG

ZIEGELEI-  
KREISEL



**DR PLAN**  
für di mobile Chnochä  
als PeeDeef



**BLAGGEDDE**  
Die wärdä vor dr Fasnacht vo allne Clique  
verchauft. Oder via Kontakt uff dr Websäit  
(lueg undä).  
ussverchauft  
Chupfer 8.- | Silber 16.- | Gold 40.-

**INFO**  
Wyteri Informationä und Kontakt findsch uf  
**ALLSCHWILER-FASNACHT.CH**

Gschälttig: Pat.&Werni Löffel vo dr VXL

Ladäärnemoolere

# E Prysä Fasnachts-Luft

(Teil 1)

Au bi mir als Schrybär vo däm Bricht  
fällt diä Pandämie ins Gwicht!

Sletscht Joor han ich serscht  
Mol dörfä diä Prisä  
Fasnachts-Luft verspreuä  
und das Joor gang ich scho uf e  
anderä Wäg, e ganz e Neuä!

Dr Termindrugg vo dr FasnachtArt isch  
sehr sträng  
und d'Zyt für mini Bsüäch ganz äng!

Trotzdäm isch mir ei Bsüäch glungä  
und das bi dr Lisa, ganz ungezwungä!

Si ladät mi in ihr Ladärnä-Atelier y  
und ich bi by dr Entstehig grad drby!

Ihri erschti Ladärnä in voller Pracht  
het d'Lisa als Matur-Arbet gmacht!

Die dritti Ladärnä für d'FasnachtArt  
macht si für d'Schwellemer Pönggis parat!

S'Sujet het si mir nid verrote!  
Aber d'Ladärnä isch do e glaine Vorbote!

Dangä Lisa für dä schöni Empfang  
Ich hoff, bis mer is an dr Fasnacht gsehn,  
goht's nümmi lang!

Uschi Bächtold (Teil 2 folgt!)



Inseraat

## Ausschreibung/Anmeldung Lehrerfortbildung 2021

# «Dein freundliches Gesicht»

## stimmungsvolle Gesichtsmasken für den Unterricht

Wochenendkurs – 13./14. Februar 2021 – wenige Restplätze zu vergeben

Auf Grund der grossen Nachfrage führen wir den Kurs noch einmal im Schulhaus Neu-Allschwil durch. Wir bitten die Kursteilnehmenden mind. eine 50er Packung uni-Gesichtsmasken mitzubringen. Unter der Leitung von erfahrenen Kolleg\*innen (Werk- und Handarbeitslehrer\*innen) bemalen wir die Masken. Dabei steht das gemeinsame Erlebnis und die Originalität im Zentrum. Als Preis winken 2 zusätzliche Ferientage.

Der Kurs ist für die TN kostenlos und wird von der Task-Force Baselland finanziert.

Sprysse Bangg

# Allschwiler Fasnacht > FasnachtART

E Virus kunnt, e Virus goot,  
doch fir d Fasnacht leider z spoot.

S Glyggeläabe dur s BAG arg limitiert und in änge Schrangge.  
doch nit unseri Fasnachts-Fraid und kreative Gedangge.

S WVC-Comité duet hirne und probiere,  
denn Frau Fasnacht losst sich so nit usradiere.

Wenn Fasnachtsduft und Kunscht sich  
um e Dorfblatz paart,  
denn nennt me das jetz nei bassend FasnachtART.

Denn wo sich normal Röppli und Spreuer dien verbinde,  
kaasch jetz im ganze Dorf derfir dolli Kunschtwärgg finde.

Em Sprysse Bangg sy Wärgg isch schlicht  
und verzellt derzue die Fasnachtsgschicht:

E Bangg in dr Rössli-Baiz dä hyyt verstohle,  
und maint, dr Dyyfel soll das Virus hoole.

Kai Gaascht duet sit Wuche uff mir hogge,  
kai Duft vom Baizer darf sithär Geescht aalodge

Doch schliesslig haa-n-ich jo vier Bai,  
mir isch s jetz verlaidet do inne so ellai.

Är schleppt sich vor d Baiz, s goot zymlig schwär,  
dert uff em Vorblatz gfallt s ihm bi däm vyyle hii  
und här.

E ainsams Wiener-Schnitzel hoggt no im Baize-Frigo  
und mecht ändlig uuse und naime scheeners aane goo.

Doch so aifach goot das aber ebbe laider nit,  
well s an däm Baize-Frigo halt au e Düüre git.

Äs zwängt und macht, kunnt ändlig doch no duure  
und isch nochhär aber zymlig uff dr Schnuure.

S ramponierte Schnitzel, zerfalle in vyyl Stügg,  
doch kaa s no laufe zue sym grossi Glügg.

Skunnt uuse, gseht vor em Rössli denn dä wyssi Bangg,  
hoggt druff und voilä, scho hesch ächte Schnitzelbangg.

Doch das Schnitzel hän scho gly d vyyle Raabe gstohle,  
drumm sin mir Schnitzel us Papier und Holz go hoole.

Kumm ins scheeni Dorf an die frischi, gsundiLuft,  
do weicht drotz allem no e heerlig feyne Fasnachtduft.

Bi däm Schnitzelbangg findsch nota bene,  
die neie Värs erscht no an dr Ruggelhehne.



Unglaublich

# S Elfi-Glöggli deckt uff

Nachdem sich das «Elfi-Glöggli» aus dem ruhmreichen Schnitzelbank-Business zurückgezogen hat, arbeitet es neu als Investigativ-Journalist. Für die Fasnachts-Zyttig deckte es Unglaubliches auf.

## Christoph Morat auf der Intensivstation

Nicht Corona brachte ihn dort hin – auch Viren haben ihren Stolz – sondern eine Lebensmittelunverträglichkeit. Er habe wohl etwas mit Nüssli erwischt. Auf Nüssli reagiere er allergisch. Bei ihm löse das ein Totalverlust des gesunden Menschenverstandes aus, gefolgt von einer starken Minderung des Anstands und des guten Geschmacks. Er wolle in der Zukunft Nüssli meiden.

## Namensänderung

Eigentlich würde der neue Lindenplatz bereits in voller Pracht strahlen. Aber eine singende Frauengruppe namens «Lindengrün» verhinderte die Neugestaltung. Nun darbt die umstrittene Freifläche vor sich hin, was noch einige Zeit so sein könnte. Die fidelen Damen störten sich ab dem geplanten Bodenbelag. Eine Aktivistin erklärt: «Also das geht wirklich nicht, dass man für teures Geld diesen Boden der deutschen Kanzlerin kauft. Die verdient schon genug. Die soll ihren Merkel-Belag behalten!» Aus gut informierten Kreisen (Stammtisch Jägerstübli) konnte man erfahren, dass an Stelle des Merkel-Belages nun ein Trump-el-Pfad geplant sei und der Platz eine Namensänderung erfährt: Leidensplatz.

## Abwanderung gestoppt – Zuwanderung auch

Was für ein genialer Schachzug! Dem Gemeinderat von Allschwil ist es gelungen, die immer häufiger beobachteten Wegzüge aus Allschwil zu stoppen. Dies ohne die sonst üblichen Tricks wie Steuergeschenke oder dergleichen. Mit strategischer Raffinesse wurden an den wichtigsten neuralgischen Verkehrswegen lang andauernde Baustellen geplant. Diese haben mit Erfolg dazu beigetragen, dass die noch verbleibenden Allschwilerinnen und Allschwiler – auch wenn sie wollten – die Gemeinde kaum verlassen können.



## Vogt Franz erhält Bundesgeld

Der Gemeinderat und Agrar-Promi Franz Vogt bezieht Bundesgelder. Nun scheint dies bei einem Bauer nichts Besonderes zu sein, da sich der Staat die meisten Bauern in der Schweiz mit viel Geld als «Hobby» hält. Es sickerte aber durch, dass Franz Vogt unlängst Kurzarbeit beantragt hat, dies, obschon er als Unternehmer dazu nicht berechtigt ist. Auf Nachfrage erklärt der Kult-Bauer die Gründe: «Meine Frau Claudia machte mich darauf aufmerksam, dass ich durchaus Kurzarbeit anmelden kann, denn wenn ich arbeite, dann nur kurz.»

## Filmprojekt ging schief

Schnell vermutete man, dass es sich beim Brand des hölzernen Aussichtsturms auf der «Plumpi» um einen hirnlosen Vandalenakt handelte. Nun wurde bekannt, dass jugendliche Filmemacher für diesen Unfall verantwortlich sind. Sie wollten den Serienklassiker «Fackeln im Sturm» neu verfilmen. Daraus wurde dann leider «Fackeln im Turm» und die Verantwortlichen gaben in einem Telefongespräch wörtlich zu: «...das isch e blödi Idee gsi, e zimmlig plumpi!» Vermutlich nennt man dieses Gebiet dort so, weil sich da schon immer Jugendliche mit kuriosen Ideen getroffen haben.

## Café am Dorfplatz mit sensationellem Gerichtsurteil

Der Bundesrat veranlasste, dass Restaurants noch bis Ende Februar – vermutlich aber noch länger – geschlossen bleiben müssen. Ebenso mussten Ladenlokale ihre Türen schliessen. So möchte die Zirkustruppe aus Bern die Corona-Ansteckungsgefahr in den Griff bekommen. Lediglich Geschäfte, die zur

Aufrechterhaltung der Grundversorgung beitragen, dürfen öffnen. Da ein grosser Anteil der Kunden des «Café am Dorfplatz» Vollalkoholiker sind und ihre 30 Biere also zum täglichen Grundbedarf zählen, darf das Café ab sofort wieder öffnen. Das Gerichtsurteil ist rechtskräftig. Der Kantonsarzt Baselland sagte auf Anfrage: «Lieber sterben 100 Allschwiler an Corona, als dass 10 halbtrockene, miesgelaunte Stammkunden des Lokals durch Allschwil schleichen und alle wahnsinnig machen.»

## Papst Franziskus ernennt neuen Wallfahrtsort

Dieses Radiointerview hat es in sich. Während eines Gesprächs mit einem Radiojournalisten des römischen Senders «Radio Kiss Kiss» erwähnte Papst Franziskus fast beiläufig, dass er Pilgern davor abrate, nach Lourdes zu reisen. Als Erklärung sagte der Pontifex, dass man viel lieber nach Allschwil an die Oberwilerstrasse ins «Restaurant Eintracht» pilgern solle. Er erachte es als grösstes Wunder der Neuzeit, dass wegen des dort angebotenen Essens noch keiner verstorben sei. So ein Wunder vollbrächte nicht einmal die heilige Maria.

## Schlafstörungen wegen Flugzeugen

Er kämpfte wie ein Tiger gegen den Euro-Airport und den nervtötenden Fluglärm. Dann kam Corona. Der Kerosin-Aktivist Ueli Keller ist mit seinen Nerven am Ende. Er schlafe kaum noch eine Nacht durch und am Tag leide er unter Panikattacken. «Seit kaum noch Flugzeuge über Allschwil donnern, habe ich meinen Lebensinhalt verloren. Gott sei Dank habe ich über Jahre Videos von zu tief fliegenden easyJet-Maschinen über Allschwil gemacht. Die schaue ich mir nun

täglich an und drehe den Ton voll auf – das hilft ungemein.» Ueli Keller hat nun eine Selbsthilfegruppe für Betroffene gegründet. Einmal die Woche trifft sich die Gruppe im neuen Wegmattenpark, wo ein Modellflug-Profi sein Fluggerät über den Köpfen der Beteiligten kreisen lässt. «Das bringt etwas Linderung», bestätigt Ueli Keller erleichtert und seine Augen füllen sich mit Wasser.

## Arbeitslosenunterstützung für Rumänen-Bande

In der dunkeln Jahreszeit sind sie oft in Allschwil. Nun, da viele Menschen auch tagsüber zu Hause sind und dank Home-Office ihre Kinder mal länger als 20 Minuten pro Tag erleben, wurde ihnen die Lebensgrundlage entzogen. Tausende Einbrecher aus Rumänien, die eine lange Reise auf sich nehmen, um uns zu beweisen, dass die teure Alarmanlage nichts taugt, stehen vor dem Ruin. Nun hat der Bundesrat entschieden, dass diese Gaunerbanden auch Anrecht auf Arbeitslosenunterstützung haben sollen. Vor dem COOP Letten trafen wir Pavel, der gerade dabei war, einer 90-jährigen Frau ihr neustes iPhone aus der Handtasche zu stibitzen. Ob er es angebracht fände, dass er als Dieb nun Arbeitslosengeld erhalte, wollten wir wissen. Er meinte nur: «Klar! Was ich mache ist ein Geschäft. Ich bin schliesslich im take away-Business tätig.»

Inseraat

## Lindengrün aktiv

Wer hat noch alte Lindenplatz-Abstimmungs-Flaggen?

Wir nähen gemeinsam eine Blache für ein Schattendach.

Treffpunkt jeweils am Sonntag, um 10 Uhr auf dem Lindenplatz. Faden, Nähadeln und Tee werden von uns zur Verfügung gestellt.

Wir freuen uns auf euch. Euer Lindengrün-Team

Herregässler

# Mir balkoniere...

L ägg isch das e Joor gsi womer hinter uns hänn  
 L Könne gar nid sage was dir alles höre wänn  
 Wo sölle mir do nur afo verzelle  
 Aber e baar Bängg vo uns hänn dir sicher läse welle.

D ie Mäldig uss däm Wuhan het am Aafang wenig intressiert  
 Z'Allschwil simmer an dr Fasnacht trotzdem marschieret  
 Hän pfyffe, trummet, glacht und unseri Fasnacht gläbt  
 Kein het gaant was d Wält scho bald alles erläbt.

Z Basel hän si d Fasnacht leider miesse absage  
 Will kein het welle e Prognose wage  
 Das Corona-Virus het d Wält komplett überrollt  
 Dr Mensch het eso schnäll gleert, wiener dr Wält Tribut zollt.

A lles isch absait worde und het miesse schliesse  
 E sogenannte Lockdown het me däm denn sage miesse  
 Nur no s wichtigst hämmer dörfe go iikaufe  
 Und wennd no WC-Papier bruuchsch, hesch also schnell miesse laufe.

A ber nid alles isch still gstande in däre Zyt  
 Mir wüsse jetz z.B. au das d Nüssli bliibt.  
 Au e andere Präsi het kämpft zum könne bliibe  
 Und het am Schluss sälber unter sine Fake-News miesse liiede.

T rotz Covid hän si baut und baut in Allschwil  
 Ob Winzerpark, ob Cube 4, ob Baslerstroos es gäb no vill  
 Waxe und vorwärts go – nid alli sin z friide mit däre Devise  
 Ä Lindeplatz z.B. muss aifach grien bliibe.

I rgendwie zeige sich d Folge vo däm Bauboom in däm Joor  
 D Ffürweer rentiert widdr bi all däre Gfloor  
 De kasch si aber nid nur zum Lösche bruuche  
 Si hälfe au e Storchnäst vom Turm abeschruube.

G egene Summer het sichs denn e bits normalisiert  
 Und alli hän gmaint, bald isch das Virus neutralisiert  
 Aber trotzdem hämmer miesse uff villes verzichte oder vertage  
 Und d EM, d Bundesfiir und villes meer doch miesse absage.


D r Abstand, d Maske und s desinfiziere sind unseri Begleiter worde  
 Und alli, die ganz Wält het miesse leere sich neu z ordne  
 Nonig ganz alli hänn begriffe wie s funktioniert  
 Me erkennt si maischtens an ihrne Alu-Hiet.

B ald isch au klar gsi dases im 2021 kai Fasnacht git  
 Uusekristalisiert het sich bald: e Fasnachts-Art, das wär dr Hit!  
 Au e Blaggedde isch uusekoo  
 S Sujet: Zämme hebe, Zämme stoo!

N äbe däm Freiluft-Museum im Hornig  
 Gitts zuesätligg au e Fasnachtszyttig  
 Beides zämme hän d Schwellemer maischt per Video-Call veriibart  
 Hauptsach d Fasnacht findet statt, uff irgend e Art.

M ir Herregässler erwarte euch vom Balkon oobenaabe  
 So könne mir enand coronakonform ertrage  
 Wie, was, wo: seen dir denn vor Ort  
 S wird fasnächtlich, do gämmer euch unser Wort.

In däm Sinn  
 E schöni Fasnacht 2021  
 Euri Herregässler



WVC

# Mir warte uf d'Räagebooge-Schlussabrächning

Wenn du ä Huus bausch oder ä Stall  
 Denn gits ä Schlussabrächning, in jedem Fall  
 Nur bim Räagebooge-Schuelhuus, mir sin gar nit froo  
 Isch die Schlussabrächning bis hüt noni doo

Dä Schuelhuus-Neubau, das isch woor  
 Isch iigweit worde vor vier Joor  
 Städtebaulich ä Juwel sig dä Bau  
 Neuzitlich und überragend sig är au

Rööre, Glas und Beto dien alles dominiere  
 Das isch ä Joorhundertwäärgg, duet mä plagiere  
 Dr ganzi Bau, hörsch d Architeggte praale  
 Söll in Räagebooge-Farbe erstraale

Nur bis hüt, das macht dä Auge wee  
 Hesch vo däm Räagebooge no gar nüt gsee  
 Au d Schlussabrächning, mir sin schoggiert  
 Isch bis jetz noni offiziell präsentiert


Die chlemmt dängg, die cheibe Moore  
 Wie am Schuelhuus alli Sunnästoore  
 Nur vom Chef Siidligsentwiggig, däm aggtiive Wääse  
 Chasch im AWB wöchentlich Lääserbriefe läase

Au si Brueder schribt sich d Finger fürs AWB wund  
 Drum dien mir dr Lääserschaft jetz kund  
 Wenn die witerhin so viil schribe, das wird schlimm  
 Denn hett Allschwil zwei neu «Gebrüder Grimm»

D Schlussabrächning vom Schuelhuus Gartehof wartet  
 Drfür wird ä Aagriff ufs Gmeindbreesidium gstartet  
 Nur isch die Aktion, jetz mien dir loose  
 Für das Bruederbaar böös in d'Hoose

Also, die Schlussabrächning, nundefaane  
 Muss jetz nach vier Joor ändgültig aane  
 Sunscht cha Allschwil, s isch nit vermässe  
 Neu Schuelhuusbaute grad vergässe

d Chrutstorze



# Quellemer 'S Storchenäscht isch nümme do, dr Plumpiturm brennt liechterloh!

E Fasnacht wo e keini isch, isch doch weder Storch no Fisch.

E Bitzli hüsch, e Bitzli hot, und jede macht grad was är wott.

Eigentlich isch alles so wie immer, nur e ganz e Weneli schlimmer.

Über dr Coronavirus wän mir nit rede, mir wüsse 's alli s' isch, eifach e blöde.

Aber so ganz gohts dr Fasnacht nit an Chrage, mir dien nit zämmestoh, aber glich e Masge trage.

Mir chönnte euch jo trotzäm brichte, was me z Allschwil no chönnt besser richte.

Die renovierti Chirche isch e Pracht, wenn au nit absolut vollbrocht.

'S Wichtigst, wo dört no duet fähle, duet uns und alli Störch fescht quäle.

'S Storchenäscht isch nümme dört, wo 's sit Johre aaneghört.

Wenn 's dört uf em Dach nümme sotti klabbere, foht 's glii bi unserem Buschinoschub afoh habbere.

Dr Plumpiturm, wär het dä gstört, isch abebrennt, mir sin empört.

So-n-e Gschicht darf z'Allschwil nie me passiere, dorum mien mir öppis völlig Neus probiere.



E Ranger wies d Amis hän und Kanada, mien mir do drfür in Allschwil ha.

'S miesst eine sii, wo Allschwil kennt, und immer rennt, wenn 's nöime brennt.

Ein wo Schwellheim kennt und ohne Allüre, do drfür wurde mir sofort dr Lüthi Willi kühere.

Är het jetzt in dr Schmitti dr Chittel gnoh, und dr Lade schyyns de Buebe überloo.

Är wär stark und sicher immerno fit, und hät villicht au no ebitz der Zyt.

So duet Allschwil ihm bewiese, är ghört no lang nit zum alte Yse.

Mir hän jetzt gseit was mir hän welle, und dien euch s näggscht Johr mehr verzelle.

Mir Fröschli wünsche allne blibet gesund, dass es 's näggscht Joor wieder besser chunnt.



## Miggäli

# Farb- und Schtiilberootig

Frooge Sii sich mäggmol au, welli Farb grad agsät isch und welli Wirkig Sii dermit erzyyle? Sinn Sii nid ganz sicher, welli Accessoire no passe wurde um dr gwünschti Effäggt no z'verschträge?

Do chann ych Iine uss mim tiefe Erfaarigsschatz e baar Tipps gä. Was letscht Joor passt het, goot allewyl au das Joor no.

Absolut «in» sinn Sii mit grien in allne Schattierige. Wenn Sii zum Byschpiil an lindegrien dängge, chunnt Iine die Farb allefalls e bitz verschtaubt vor. Ych ka Iine aber

versichere, die Farb sorgt immer wiider emol für en überraschende Erfolg. Kombiniert mit Sprützchännli und Plastikchesseli, so quasi im Gartelook, cha Iine niemer wiiderstoo und für Lacher isch au gsorgt.

Root isch dä Klassiker. Är isch nid wäggzbycho, nid wäggzdängge und immer wiider uffällig. Ych empfiil Iine root wermschtens, wenn Sii gärn in Gruppe im Partnerlook erschyne, wirkigsvoll au s'dritte hoch. So ghöre Sii doch fascht, wenn au nid ganz, schnell zur Meerhäit. Dr letschti Schrey

sinn do derby no rooti Sogge. Aber die Farb goot auf für Kravatte, Schäl und Kappe. Dr Vollträger lande Sii denn, wenn Sii sich nid vo grosse Randschtäi brämse löön und sich mit em Velo zäige.

Wenn Sii e Farb wänn, wo uffen erschte Bligg uffällt und trotzäm alles offe losst, wo Iiri Position e bitz vrschleyeret und Iire Schtandpunggt e bitz unklar losst, denn empfiil ych Iine ganz klar orange. Es bruucht vylicht e bitz Muet, doch mit oranger Chlausenmütze im Schpezielle isch so garantiert, dass Sii immer im MITTEpunggt

schtöön. Wenn Sii dermit lääbe könne, dass Sii vordergründig nid grad eso erfolgrych sinn, aber im entscheidende Momänt ufftrumpfe möchte, denn isch blau d'Farb vo dr Waal. Vor allem in Kombination mit harte Bandage schaffe Sii sich an d'Schpitze.

Doch egal für welli Farb Sii sich entschäide, vo äinere könne Sii d'Finger lo, bruun will und bruucht niemer (mee). Die Farb isch «out», wie mir Modekennerinne saage, und wird's hoffentlich au blyybe.

Schwellemer Pönggis

# Adiöö Paradiis, Bachgrabe «rescht in piis»



Wenn de um di luegsch sehsch nur grien  
Kinder, wo im Gras spiele dien  
s'Gmies waggst und gedeiht in de Schrebergärte  
d'Rägewürm suule sich in dr fiechte Ärde.  
E Gartzwärg lächlet di fründlig aa  
e kleins Paradies, do gits kei Zwiifel dra.  
Hörsch d Vögel zwitschere und d Biine summe  
aber die Grüsch mien leider bald verschtumme.  
Bagger und Kräne fahre vor, s'isch nid zum glaube  
wo däm Gebiet si Zauber raube.  
D Gärte verschwinde, d Frog isch für was  
an däre Schtell findsch johrelang nur Gras.  
Plötzlich kunnt däne Deppe e schlaui Idee  
wo mir Pönggis dr Sinn drhinter nid könne seh:  
«Dauntaun-Allschwil» söll do jetzt entschoo  
mit Hochhäuser und ere Skeilein wie in Tokio!  
Zähtausigi vo Arbeitsplätz wärde gschaffe  
drby dien doch alli vo dehei uss in Bildschirm gaffe.  
Aber au ohni Houm Offis isch das e Seich,  
wirdsch gseh  
schtundelang im Shtau shtoh kasch denn,  
ojemine!

Uss griene Wiise wärde graui Wänd  
nur d Pharmabroonsche ribt sich d Händ.  
Dä Gegesatz wänn mir dorum illuschiere  
und zeige, dass mir e grossi Chance verliere  
e Gebiet sinnvoll, gschiid und nochhaltig z'plane  
nei, es muess jetzt schnäll schnäll öpis ane!  
Und das wird denn wohrschlich, es wär famoos  
Nach eme Jahr abgrisse und neu baut wie d  
Haltschtell Garteschtrooss!  
Oder villicht, und das belaschtet uns shtark  
brenne die Neubaute ab wie im Winzerpark.  
Verschtöhd uns nid falsch, mir sin nid drgege  
uss Prinzip  
nur d'Art und Wiis, die gfallt uns nid.  
Das alles bringt Gäld, aber au Ärger, Drägg  
und Shtau  
was z'Allschwil meh Gwicht het, das wüsse mir  
jetzt au.

Dr Kontrascht zwüsche dene zwei Wälte,  
s'isch e Qual  
glich tief wie dr Grabe bi dr Gmeindspräsi-Wahl.  
Zwei verfeindeti Site, wo anschatt Politik z'betriibe  
lieber Hasstirade uf Feisbuk schriibe  
während s'ganze Volk in däm Krise-Johr  
nach Hilf und Zämmehalt rieft, s'isch leider woher  
bekriege sich zwei Kandidat nid sachlich und  
mit Aaschtand, wie me's erwarte ka  
sondern mit Feik-Nius und Emotione, als wäre  
mer z'Amerika!  
Drby hesch wie immer bi Allschwiler-Wahle,  
mir sage's in eim Satz  
s gliche Problem wie bim Lindeplatz  
würdsch gän öpis Tolls, jä öpis Bessers haa  
aber hesch nur d Wahl zwüsche Pescht und Cholera!

Als Notlösig für dr Verkehr söll jetzt no e  
Kreisel entschoh  
bi dene Platzverhältnis wüsse mir nur gän: wo?  
Vo de Velofahrer erwarte mir e grosses Gschrey  
wenn dä Kreisel so wird wie an dr Ziegelei.  
Es ka doch nid si, dass me dä so duet gschaltete  
eimol dure Kreisel, muesch fünf mol halte!  
Mir hän scho lang kei Bauschtell meh gha



e Autobahn-Zuebringer mien mer dorum ha.  
Vor luter Shtau und Chaos, jo däm Verkehr  
gänn mir d'Schuld  
fahrt eine e Verkehrskadett um, vor luter Ungeduld.  
Drby sin unseri Ängscht sehr gross,  
wenns glich lang goht wie d Renovation vo dr  
Baslerschtross  
passiert nid nur fascht sone Verkehrsmännli-Mord  
nei denn knagge mer au dr Berliner Flughaafe-  
Rekord!  
E Wolggekrazter, do wirsch no schtuune  
vermiist uns im Gartebad die gueti Luune  
anschtatt sünnele und bruun wärde, Achtung,  
mir sin Kritiker  
blibsch glich bleich wie unseri Politiker!  
Nid nur bleich wiene Vampir, jetzt wird's guet  
suuge die Gäld wie dr Dracula s'Bluet  
gege die würd hälfe, s'wäre e Gnuss  
wie in Schönebuech sone Gmeindrot-Exodus!  
Immerhin ganz noch isch denn  
s'Tropeinschtitut  
macht also bald dr negscht Virus unseri Ärde  
kaputt,  
sin mir denn drfür diräkt an dr Quälle  
und ghöre bi dr Impfig zu de Schnälle.  
Dr Räscht luegt denn au wiider ganz blöd dri  
wäge immer no fählender Impfschstrategie.  
Woby, mir hän's fascht vergässe, so Vire gits jo nid



me shtirbt nid dra sondern nur mit.  
Zu dr Impfig griegsch e gratis Tschipp,  
do hilft nur e Aluhuet, als guete Tipp!  
Oder wird dä Virus, das wär denn surreal  
am Änd sogar züchtet im Bachgrabe-Areal!

Apropos Virus, dä losst sich leider nid vermeide  
mir dien jo alli drunter liide.  
Hätte mir dä Chäfer nid, s'wäre e Gnuss  
wäre mer an däre Fasnacht zämme duss  
könnte pfyffe, drumme und intrigiere  
uns bis tief in dr Nacht in de Beize verliere.  
Apropos Beize; hesch e Virus im Land  
isch die beschti Bekämpfig altbekannt:  
Die einzig Massnahm, wo uns losst hoffe  
machs d'Beize zue und alles andere lohsch  
offe!  
Letscht Johr no knapp im Glück, das Johr voll drin  
het's denn ohni Fasnacht überhaupt e Sinn?  
Hejoo, sage mir, lueget nur umme  
s'git immer no Schöns, das seht e jede Dumme!  
E FasnachtsArt, einzigartig schön  
Fasnächtler, wo zämmeschttöhn  
zum die schwüriigi Zit gmeinsam duerschtöhn  
und dä Virus schlussamänd in d'Flucht könne  
z'schloh!  
Dass mir negscht Johr wieder könne durch  
d'Schtrosse zieh  
ohni Maske, nur mit Larve, bis am Morge frieh  
könne pfyffe, drumme, tanze, lache  
und e risigs Fescht könne mache!  
Mir sin überzügt und glaube dra  
dass mir negscht Johr die schönschti Fasnacht  
wärde ha  
drum blibet gsund und gänd euch Sorg, s'isch woher  
denn sehn mer uns wiider im nägste Johr!

Scännsch mit em Händy  
dä KuuErrKood  
kasch luege was uf  
unserer Websyte schtöht!  
Dört dien sich no e paar  
Byträg verschtegge  
wo in dir s'Fasnachtsfieber  
könne wegge!



Ein Blick zurück



Herausgegeben von: Dä Wälläsittich vom TVA

**NEU-ALLSCHWIL**  
**MEHR LEBEN AM LINDENPLATZ**  
 Diese Petition für ein mindestens dorfernebenbürtiges Sub-Zentrum wird husch husch einer demokratisch-mehrheitsfähigen Lösung zugeführt.

öff. WC    Neue Post    Erlebnisplark  
 Spielplatz

Planungsstand März 2014 / Modell 1:25 000

**SCHONE BAUTE IN ALLSCHWIL**

**BAUGSUECH**  
 Neuauflage Nr. 2'309'947'534  
 Objekt: **Neubau Drammhüüsli**  
 am Dorfplatz, Allschwil  
 Gesuchsteller: ARGE Allschwiler Kunst-Verein/Kulturverein Allschwil-Schönenbuch, Architekten: Schmerzog & Demain-Non

Den traditionssturen kommunalen und kantonalen und irrationalen Behörden in Allschwil und Liestal sowie den bauhistorisch unerschütterlichen BVB-Scheffs sei Dank: die Schonung dieses Schmuckstückes konnte bis heute gewährleistet werden. Weiter so!

**KUNSCHT**  
**MONUMENTALER MIST**

Bis der Steinhafen-Kreisel «Allschwil-JumboLetto» durch Erosion eingeebnet sein wird, haben sich Zehntausende Menschen in Autos, Bussen, auf Velos oder den eigenen Beinen über diese unsägliche Kreisgestaltung geärgert.

*Bestnote für nachhaltigen Mist.*

**WO ISCH DR TONI**

Jury

Liebe Fasnächtler, liebi Fasnächtlerin,

nid nur Du bisch e ganze arme Tropf  
 nai, au bi uns blybyt dr Huet uf em Kopf!

S'Corona-Virus lot ys immer no kei Rueh  
 drum wingge mir euch das Joor nid mit unserem Huet zue!

Normaler Wyys schtöön mir bi dr Kirche am Stroosserand  
 und hän für euch voller Freud e Zugsblagedde in dr Hand!

Das Joor findet dr Umzug leider nid statt  
 glaubet uns, au mir finde das nid glatt!

Mir chönne also dr Huet vor euch nid lüpfе  
 und au nid vor Freud umme hüpfе!

Trotzdäm ziehn mir vor euch Allne dr Huet  
 und finde euri Kreativität «sau» guet!

Dangg eurem Ysatz und Freud an dr Fasnacht  
 entstoht öbbis Neui's in sicher schöner Pracht!

Mir freue n'is uff euri kreative Gebilde, Baute und Wärgg  
 Die FasnachtArt wird ganz bestimmt kei Zwärgg!

Mir, d'Jury, ziehn vor euch unsere Huet  
 und dange für d'Motivation und dr positivu Muet!

Am Fasnachtssunnig chömme mir bi euch cho stuune  
 und hoffe, d'Zugsblagedde git euch e gueti Luune!

*Euri Fasnachts-Jury*



WVC-Schpiil 1974

# Allschwiler Fascht-Fasnacht 2021



Z Allschwil duet me sich Dänggmöoler pflanze,  
Duet vo Riigelhüsli zue Riigelhüsli schwanze.  
Dänggmolpflääger und anderi Hischtoriejäager  
Wärde zue Wälschtaars, Schtrossefääger.  
In dr Dorfchirche schtyggt e heiligs Fanaal.  
Me überreicht em Max dr Heiligi Graal:  
«Dä Bächer söll dii bis in d Ewigkeit beschütze  
Und heiligs Wasser über Allschwil verschprütze.»

Und in Zuekumft? Do muesch dä Virus frooge,  
Dass alles wider glych wird sy, isch glooge.  
Wie hooch wird s Lützelbächli gschtaut?  
Wird hööcher als dr Rosch-Turm baut?  
Wird dä Graabering-Kreisel unter aller Sau?  
Eins isch sicher: Shtau, Shtau, Shtau...

**Fertig luschtig?** Mir wärde s gseh...  
Meh Blatz het s doo nit im AaWeeBee.  
D Frau Fasnacht isch zääch! Si wird blybe,  
Die loot sich vo some Virüssli nit vertrybe!  
D Frau Fasnacht isch wie e bunte Hund!  
Sali zämme, tschau und blybet gsund!

## Fertig luschtig

Fasnacht? Nada! Niente! oder eifach: Nei!  
Dissjoor gschtriche! Mir blybe dehei!  
**Fertig luschtig?** Simmer total am Arsch?  
Fertig luschtig mit «Arabi, vorwärts marsch?»  
Schön brav Händli wäsche, Abschtand bhalte  
Und schön brav d Fasnachts-Schnuure halte?  
**Sicher nit!** An d Fasnacht dängge, das mues sy,  
Es goht nit ohni Fasnachts-Ironyy.


Kei Umzug dissjoor, dasch doch dr Hammer,  
Kei Prommi-Gehaabe, kei Polit-Gejammmer!  
Kei Shtress, kei Lärm und kei Radau,  
Und Judihui! Ändlig kei Shtau!

D Nüssli Nicole mues dissjoor d Klappe halte  
Und im Houm-Offiss ihri Macht verwalte:  
«Ich ha s gschafft, dä Polit-Schpagaat!  
L'etat c'est moi! Vive le Nüsslisalat!»

Dr Morat Christoff haltet do besser dr Latz.  
S isch **Fertig luschtig!** am Lindeplatz.

Dr Beni Gnoos gseht das vyl luschtiger,  
Lindegrün macht politisch gluschtiger:  
«E Syyg für d Basisdemokratyy,  
D Hauptsach isch, mir schnuure dryy!»  
Grüeni Lindebäumli schprütze  
Isch zwor nobel und duet s Klima schütze,  
Aber bim Kiosk verschiebe nit vyl nütze.

Drzue git s z Schöönebämpel  
Wunderbars Polit-Gerämpel.  
Dr Dieterle macht ein uff shtuur,  
Dr Knubel schreyt hässig: «Diktatuur!»  
Dr eint wird gschasst, dr ander chunnt,  
Chaos in dr Villa Kunterbunt!  
Denn schmollet dr eint, dr ander trötzlet,  
Es wärde Wahlzettel verfötzlet  
Und drzwüsche: angaschiert, adrett,  
Cherchez la femme Bernadette!



Inseraat

## Vermisst

an der Herrengasse

## Ein Storchennest



Seit der Renovation der Dorfkirche,  
vermissen die Anwohner der Herrengasse in  
Allschwil ihr geliebtes Storchennest.

Es ist ca. 150cm gross, aus robusten,  
dunklen und verwitterten Ästen und evtl.  
zu finden auf anderen Türmen oder Dächern.

Bei Sichtung melden unter:  
Gemeinde Allschwil  
Abt. Hochbau

## Morgeschträich 2020



Schärbe-Clique

# Als wär Fasnacht

Settsch e Sujetsitzig mache  
Bierli dringge, zämme lache  
Vorschläg brünzle, Plänli schmiide  
Idee brittle, alli grundverschiide

*Als wär Fasnacht, in voller Pracht*

Settsch d Chöpf zämmestregge  
dr Überraschigsmomänt entdegge  
dr Waage zeichne und wider vrgässe  
lieber baue anstatt mässe

*Als wär Fasnacht, in voller Pracht*

Settsch schniide, schruube, konstruiere  
bis anders Schüuredach probiere  
s Requisit waggst und läbbt  
als guete Geischt, wo über allem schwäbbt

*Als wär Fasnacht, in voller Pracht*

Settsch Zeedel schriibe, sydefiin und gsalze  
e Pointe setze, chasch mit dr Zunge schnalze  
e flüssige Guss bis ganz am Schluss  
chunnt au e jede Lääser druss?

*Als wär Fasnacht, in voller Pracht*

Settsch d Zoggeli moole und poliere  
s Kostüm nach Mass aaprobire  
d Larve passt und sitzt, het Luft  
fir zwei Schtund bisch im Schelllaggduft

*Als wär Fasnacht, in voller Pracht*

Settsch Orange wärfe, Däfi gää  
und wider e Hampfle Spreuer nää  
e goldigi Blaggedde beloone  
en alts Mutti vo Konfetti vrschoone  
eme Chätzli e Rööslü schtegge  
jede, wo de chennsch mit Sprüchi yydegge



e groosi Rööre fiere  
blöffe, intrigiere  
am Publikum vrbii defiliere  
und bi dr Jury vorne brilliere

*Als wär Fasnacht, in voller Pracht*

Settsch go Gugge loose, ab uff d Pischte  
bim erschte Drämmli hauschs in d Chischte  
im Chnoche e Cordon Bleu vdrugge  
und dr Zyschtig uff e Mittwoch überbrugge

*Als wär Fasnacht, in voller Pracht*

Settsch de Bängg zueloose und lache  
in de Beize blöödi Sache mache  
fuuli Mögge, was hesch, was gisch  
glatti Sieche amene volle Tisch

*Als wär Fasnacht, in voller Pracht*

Settsch di am Mittwoch nomol uffraffe  
däm Pilger si Beärdigung go gaffe  
d Melancholie vom Bäse bricht dr s Härz  
Adie, Frau Fasnacht, en Abschiid voller Schmäz

*Als wär Fasnacht, in voller Pracht*

Settsch in Gedangge schwelge  
lache ab eme Bängglerhelge  
uff em Bummel alls widerchättsche  
und no eimol geitsche und rätsche

*Als wär Fasnacht, in voller Pracht*

Settsch dä Virus vrtriibe  
und sälber sauber bliibe  
als Fasnächtler bini immun zum Trotz  
Well i vor Freud druff nur so strotz

Jetzt isch Fasnacht, mir häns möglich gmacht!



## Schnitzelbangg

### Dr Kaater vo Demain

Das Wahljoor 2020 isch usser Rand und Band  
E mängs Schööfli schliieft drfür ins Wolfsgwand  
Die Kampfwahl mit famosem Wahlkampf  
Bscherret mir mängmol ä Lachkrampf

D'Schlacht im AWB glicht eme Gabarett  
Ei Wuche stichsch gschriebe zue mit me Bajonett  
No landisch d'Wuche druff wegeme Läserbrief im Lazarett  
Woby d'Lobeshymne über die Beide sin e Balett  
Ä Sozialdemokrat und ä Liberali was füre Duett  
Und ä Gschicht für d'Ewigkeit dangg em Internet!

In Sache Wahle gits aber no meh z'gseh  
Was do in dä USA lauft, het mr zdänge geh.  
Doch in inere Sach muess me d'Amiiss loobe  
Hen doch meh als 60% dr Zeddel in d'Urne gschoobe.  
Was ä Kampfwahl all 4 Joor so cha bringe...  
Ob das z'Schwellheim au wurd glinge??

Gründ worum d'Wahlbeteiligung bi uns so kacke isch  
und e Wahlkampf-Video-Zämmeschnit kunnt uf e Tisch  
Liebi Schwellemer bauet euri Meinig sälber druff  
Well d'Bolitigger hän s ganz Joor e Larve uff!



Dä Ruggblig zum luege vom Kaater vo Demain  
Tuets ab em *SchmuDo mit däm QR Code* gä  
Nur mit Bild und Ton bini chli durenander cho...  
Drum nähmets nit z'Ärnt – ihr verstöns denn scho!

Dange fyr s'Läase und Luege  
bis demain am Moorge



Rue du Boeuf-Rueche

# Lachä isch gsund!

Wyyt im Südä vo unsärem Land  
Wird viel glacht und das am laufendä Band.  
Liegt's am Wyse oder an dä Bärgä  
An dr Sunnä oder am Rägä?

Liäbi Lüt es isch banal  
Denn Lachgas git's nit überall.  
Do im Nordä, in unserem Eggä  
Würdä mir das au gärn versteggä.

So Lachgas isch guät für Jung und Alt  
Und s'Matterhorn wachst au scho bald!  
Zwar nid in Schönäbüäch, dört Obä  
Mir hän's nach Allschwil Dorf verschobä.

Yäbä für uf s'Matterhorn chasch an dr Klätterwand  
Dr Standort isch ys zur Zyt nid bekannt!  
Jedä cha dört si Glück versuechä  
mir mache's nid- mir sin d'Rue du Boeuf Ruechä!

Mir göhn liebär nach Visp go Lachgas inhalierä  
bevor mir Alli e Absturz produzierä!  
Denn Lache isch eifach gsund  
und mir wärde halt Chugelärund!

G'lachä hättä mir au gärn  
am Allschwiler- und Ängelimärt  
das wär ys näbscht em Lachä  
das Johr sehr viel wärt!  
Ob Dorfjazz, Läubärä oder Muusigobä,  
leider isch alles bis uf wytäräs verschoobä!

Mir lachä ebbe au ohni Gas  
Dir frogät euch sicher über was?  
Styggsch ins Tram y an dr Gartestroos  
goht bi uns s'Lachä scho richtig los!

Fahrsch denn in Richtig Ziegelei  
wird s'Lachä zum e Gschrey!  
Do diän sy scho widär baue  
bi was hän si sich jetz verhaüä?

*(zum mitsingä! Melodie: 10 kleine Jägermeister!)*

Fünf glaini Gmeindröt  
diä strittä sich wiä blöd  
In Schönäbüäch isch dr Deufel los  
bald gön si dört uf d'Stroos!



Zwei Gleini Gmeindröt  
stöhn jetz do so blöd  
Drei hän dr Bättel anegschmissä  
s'Regierä isch jetz versch ... ä

Ei glaine Gmeindspräsident  
dä het viel Glügg am Änd  
Fünf Fraue diän sich engagierä  
und für dr Gmeindroot kandidierä!

Isch dä Gmeindspräsident  
ächt e Super-Talänt?  
oder isch dä André Knubel  
e vom Glügg verfolgtä Dubel?

Die Pandemie, die hän mir jo Alli satt  
trotzdäm findät bi uns e bitzeli Fasnacht statt!  
Mir hoffä, dass mer s'Lachä nid verlierä  
nid, dass mer Lachgas miän inhalierä!



dr Abschiid

# Pilger Schaggi 2021

Liebi Frau Fasnacht uss Schwellheim City  
i bi wider bi dir, i stand in dr Mitti  
ich, dr Pilger Schaggi, bi zrugg mit Chutte und Stab  
e Drääne lauft mr über d Bagge, i stand a dim Grab

D Fasnacht 2021 hän si gopferet, umbrocht, verbotte  
Frau Fasnacht, blybb uff em Eschtrich bi de Motte  
muesch di nid uuseputze, nid uffschtoo, nid verwache  
aber e Lääbe ooni di, Frau Fasnacht, das kasch nid  
mache

I stand do a dim Grab und e Drääne gheist dri  
au d Hüülwyber flenne, s mues so sii  
do hebi dr Chopf, denn e Sunnestraal bländet  
e Silberstreife am Horizont, i hoff, dass es ändet

Do pagt mi e Wuet im Ranze  
i will gopfer\*\*\*\* go danze  
mach mi nid nass, i will uff d Gass  
mit Fründe fiire, e grosse Spass  
Virus, i ha fir di numme Hohn und Hass  
Nei, i beruhig mi nid, jetzt mach ich di nass!

Frau Fasnacht, chumm uuse uss dr Gruft  
hilf mr gäge dä chinesisich virali Schuft  
denn Corona isch fir mi – i blybb drbi  
e Bier uss Mexiko, so mues es sii

Jetzt ghöri d Stenzer schränze um en Egge  
au d Fliegedätscher dien sich nid vrschtegge  
d Gässli wärde sauber gschlyffe  
s Schpiil ruesst d Drummle und het au piffte  
d Rugger dräffe sich vor iirer Bar  
au d La Ola Bar isch do, alles klar  
Sparhäfeli, Rue du Boeuf und die Namälosä  
logo, alli schtüge si in d Hoose  
d Central Clique leggt ein aane  
und erscht d Schärbe Clique – nunde Faane  
zmitts im Fasnachtsgwiel  
findsch d Im Briel

d Chruttagger glänze mit em Waage  
die Privilegierte mit iirem Betraage  
d Dorfrunzlä sitze wieder mol im Chnoche  
au d 68er Chepf bliibe nid droche  
d Gränzwaggis, mit Fraue und Goofe  
d WVC in dr Remise am schwoofe  
d Holz hacker, vierzewanzig Schtund uff dr Pischte  
au d Herregässler hani uff dr Lischte  
de Dorflüüs iire Zeedel het e spitzi Fäädere  
e paar Wyyber dien ungschtöört schnäädere  
d Uschi vor em Jägi ooni Not  
linst in d Sunne und raucht e Schloot  
d Schwellehüpfer singe uss voller Bruscht  
au d Tagessau het wider mol Luscht  
morn hesch e Kater und doch kai Fruscht  
au dr Mischthäfer dichtet nid umesuscht  
Zoobe schränze d Gugge duss und dinn  
d Chinderfasnacht isch e riise Gwinn  
sogar d Fabrigg het besetzt Plätz  
dr Hinderscht und dr Letscht chunnt in d Sätz  
isch am Zyschtig dr Dorfplatz grammlt voll  
sind d Laddärne bsunders toll  
und wenn au die letschte Vrwäägene  
und in Mittwoch-Morge-Gläägene  
sich vom Sunnestraal no löön wegge  
mues sich au d Beärdigung nid vrstegge  
und duet sogar dr Bäase richtig jääse  
dr Schaggi predige und nid läase



und d Frau Fasnacht brenne duet  
sag ich zum Schluss: So isch es guet

Ei Umzug chamen absage,  
emol kei Füür no knapp vertrage  
e Morgestreich lo schlyffe  
emol nid zur Drummle gryffe  
Virus, du bisch en üüble Seggel  
Schwellheim isch schtärger, gopferdegel

Uff das aabe, Frau Fasnacht, s ischs scho gsi  
e Schlugg fir mi, eine fir di  
e Hampfle Konfetti mit uff e Wäg  
bis im Hoornig 22, blybb mr zwäg



Di Pilger Schaggi

**Chrüzi**

- |   |   |  |
|---|---|--|
| 1. Bauschtell Neu                         | 10. Schpiilwiise                          | 19. Dezämberhäilät                     |
| 2. Wintersalat/Gmäindroot                 | 11. Dorfname F. Vogt                      | 20. Zurzyt fählends Grüşch             |
| 3. Ändlosbauschtell 1                     | 12. Dorfname F. Vogt                      | 21. Was findisch uff jedere Blaggedde  |
| 4. Ändlosbauschtell 2                     | 13. Dorfname Chronischt                   | 22. Wie häisse bi uns d'Räppli         |
| 5. Wo sinn alli König                     | 14. Ussruef vo Begäischerig               | 23. Wichtigs Utensil vo äim Gmäindroot |
| 6. Alte schwellemer Ussdrugg f. Härdöpfel | 15. Kommando an dr Fasnacht               | 24. Zentrale Punggt                    |
| 7. Uss Holland wider do                   | 16. S'Musikinschtrumänt vo äim Gmäindroot | 25. Fasnachtsfigur/Politiker           |
| 8. Urkundlich erschte Name vo Allschwil   | 17. Herregellschaft/Römische Name         | 26. Griene Wurm                        |
| 9. Vorsicht Eier                          | 18. Brandtatort                           | 27. Allschwiler Enklave                |

Einzelbuchstaben für ä, ö und ü verwenden

1	2	3	4	5	6	7	8	9	10	11	12	13	14	15
---	---	---	---	---	---	---	---	---	----	----	----	----	----	----

# Mache Sii mit und gewünne Sii!

Rätsle sy, wenn Sii's Lösigswort ussefinde, git's natürlig au öbbis zgwünne:

- Flughafenbesichtigung: Ueli Keller ein Kenner des Euroairports führt persönlich durch den Flughafen (Dauer 3 Std. mit Blick hinter die Kulissen).
- Rasenpflege auf dem Lindenplatz: Lindengrün Trendsetter Beni und Marlies zeigen exklusiv, wie der Rasen auf dem Lindenplatz bewässert wird (3 x ½ Std. nach Absprache – in den Sommermonaten)
- Knobelabend in Schönenbuch: Jürg und Andi laden zum Knobelabend in unsere Nachbargemeinde ein (1 spannender Spiel-Spass zu dritt)

Schreiben Sie an: Schwellemer Fasnachtszytig, wildes Viertel 1, 4123 Allschwil oder direkt per mail an chrützi@dorffasnacht.ch.  
Einsendeschluss: Aschermittwoch, 17.2.2021 nach der Fasnachtsbeerdigung (kann auch Pilger Schaggi mit auf den Weg gegeben werden).

Die Auflösung finden Sie im Allschwiler Wochenblatt vom 19. Februar 2021.